

DE
11
1111:
1111:

927



M. e. 1

00 ds

F

Ph. VI

~~27.~~ 88.

3
Eine Schöne

ORATION vñ Ver-
manung/ Freye Künste vnd
Tugendt zu lernen.



Vorzeiten von einem Heid-
nischen Philosopho / in Griechi-
scher Sprache geschrieben / Nun aber
nach dieser zeit notturfft vnd ges-
legenheit / vertirt vnd
verdeutschet.



1572.

Mense Nouembri.

3
IN EFFIGIEM MER-
CVRII ET FORTVNAE, D. AN-
dreae Alciati, Iurisconsulti
Ἐξάστιχον:

VT speræ fortuna, cubo sic insidet Hermes :
Artibus his, uarijs casibus illa præest
Aduersus uim Fortunæ est ars facta, quod artis
Cum fortuna mala est, sæpe requirit opem.
Disce bonas artes igitur studiosa iuuentus,
Quæ certæ secum commoda sortis habent.

NOBILITATE
GENERIS, VIRTU-
TVM AC ERVDITIONIS

GLORIA, ORNATISSIMO VIRO,
D. HENRICO à LAEVV,
Illustrissimo Principi ac Domino, D.
IVLIO, Duci Brunsvicensi, ab ar-
canis consilijs, literarum ac studiorum
patrono, Domino ac Mecænati suo
perpetua fide & obseruantia colendis-
simo, Salutem animæ & corporis im-
mortalem, precatur M. HIERO.

NYMVS GVNTHE.

RVS, Soranus.

LVHE



QVANTVS HOC
seculo nostro contemptus
sit virtutum ac liberalium
artium, quam spretæ illæ
iaceant præ fortunæ bonis
fragilibus licet atq; instabilibus ipsa
experientia satis testatur, ac deplorât
id omnes quotquot sunt præstantioris
atq; excelsioris animi homines. Alij
enim generis splendore superbiunt,

A ij alij


alijs opibus confidunt, in quas omnia
sua uiuendi cōsilia referunt, non pau-
ci etiam corporis pulchritudine ni-
tuntur. Cæterum an non summa est
dementia bona aliena, ceu sunt iam
dicta (omnia .n. à cæca quadam Dea
Fortuna, videlicet, cum hominibus &
quidem indignis sæpissimè communi-
cantur) proprijs proprio Marte & in-
genio partis bonis, veluti sunt virtus
tes & artes præferre? illa confectari,
hæc negligere? Vt igitur omnes, non
tantum adolescentcs, verum etiã pro-
uectioris ætatis homines artium ac
virtutum dignitatem intelligerent, at-
q; hi quidem magis amarent studia, ac
liberos suos rectè erudiri curarent se-
dulo, illi vero diligentius discerent:
volui pulcherrimam hanc ad artes
sua foriam orationem (& quidem ger-
manicè, quo ab ijs etiã, qui latinè do-
cti non sunt, legi possit) typis subiice-
re. Faxit benignissimus Deus, vt ad
studia pietatis, virtutum, ac artiũ plu-
rimum ea adferat vtilitatis & emolu-
menti.

Vestræ

Vestrae autem Præstantiæ, meam hanc versionem dedicare visum fuit, quod scirem P. V. ad generis splendorem, opum gloriam, & formæ elegantiam à fortuna concessis, propria etiam bona ac ornamenta, nempe industriam, artes liberales ac virtutes (ob quas vel solas maximè chara est, P. V. Illustrissimo Duci Brunsvicensi) coniunxisse, vt non dubitem, P. V. non grauatè eam esse perlecturam. Altera causa est quod confidam sub P. V. patrociniò emissam orationem plus authoritatis consequi posse, futurumq; vt multi illustre exemplū P. V. in magnificandis ac exercendis virtutibus ac honestis artibus sint imitaturi deinceps. Bene valeat P. V. & vt me communescq; Musas commendatas sibi habeat submissè oro. Datae in veteri Academia Erphordiana, 13. Nouembris, Anno à partu virgineo, M. D. LXXII.

Faint, illegible text, likely bleed-through from the reverse side of the page.





Eine Schöne ORATION vnd Ber- mannung / freye Künste vnd Tugendt zu lernen.



B den Thieren / wel-
che man vnuernünfftig
nennet / ganz vnd gar kein
verstandt gegeben sey / das
ist sehr zweiffelhafftig.

Denn ob sie gleich nicht reden / so können
sie doch mit ihrem sinn etwas fassen vnd
begreifen / Vnd solche krafft ist vielleichte
allerley art der Thiere gegeben / wiewol
etlichen mehr / etlichen weniger.

Das aber der Mensch / was den ver-
stand anlangt / vbertresse alle ander Thie-
re / da ist niemandt / der daran zweiffele /
Denn wir sehen / wie mancherley art der
Künste sein / welche alle der Mensch vber
vnd treibet / Vnd das allein der Mensch
jedere wissenschaftt vnd kunst / kan lernen

B

vnd

vnd begreiffen / sintemal alle ander Thier /
gar wenig ausgenommen / one künste sein /
welche wenige doch ihre künste mehr von
natur / denn durch verstande haben / Der
Mensch aber ist so auff allerley Künste ges
schickt / das er auch die jenigen / welche an
dern thieren eigen sind / nicht vberschreits
te / Denn er macht dergleichen gespönste /
wie die Spinnen / Bawet dergleichen ar
beit / als die Bienen / Auch schwimmt er /
wie die Thier des wassers / ob er schon auff
der erden mit den füßen zu gehen geschaf
fen ist / Item / Es vberhüpffet der mensch
nicht der Götter künste / denn in der Ars
ney thut er es nach dem Aesculapio vnd
dem Apollini / welches seine andere künste
er auch nachfolget / als was mit Pfeilen zu
schiessen / singen / vnd warsagen kunst an
langet. Desgleichen vbet sich der mensch
auch in den jenigen künsten / welcher eine
jede in sonderheit / einer sonderlichen Ma
sæ zugehöret / Denn er enthelte sich nicht
wider von der Geometria / noch von der
Astronomia / Sondern / wie Pindarus sas
get / Was in Himmel vnd Erden ist / das
betrachtet

Betrachtet der Mensch / Ja er hat auch
durch seinen fleiß vnd geschicklichkeit / die
Philosophen / welche aller Göttlicher gü-
ter das beste vnd fürnemste ist / erlanget.

Von wegen obgemelter vrsachen / ob
schon andere Thier auch mit verstande bes-
gabet seind / jedoch weil der Mensch weit /
in dem fall / dieselbigen obertrifft / so wird
er allein ein vernünfftig vnd verstendig
Thier genennet.

Was folget aber nun daraus ? Ist
es nicht schendlich / das du deine vernunfft
vnd verstande / welchen du mit den Göt-
tern gemeine hast / so gering achtest / vnd
auff andere ding trachtest ? Das du die
freyen Künste verachtest / vnd dafür dich
ganz nur dem glück ergibest ?

Welches glücks bößheit vnd schalck-
heit / als die Alten haben wollen anzeigen /
haben sie es nicht allein gemalet / in eines
Weibes gestalt / (wiewol solches gnug-
sam anzeigung were der thorheit) sondern
haben diesem Bilde auch das Steurruder
im Schiff / in die hende gegeben / vnd vnt-
er die füße / eine runde Kugel geschoben /

B ij Darüber

darüber auch diß bildet ohne augen formies
ret. Mit welchem allem die alten des
glücks vnbeständigkeit haben zuuerstehen
gegeben. Derhalben gleich wie es ein vns
bedachtsam ding were / einem blinden
Schiffman befehlen ein Schiff / welches
also durch groß vngewitter / hin vnd wider
getrieben wird / das es zubeforgen / die was-
serwellen möchten darüber schlagen / vnd
als denn das Schiff vntersinken / Also
auch in des Menschen leben / da grösser
Schiffbruch zuhaus / denn auff dem Meer
sich zutragen / ist es thörlich / sich in solcher
gefahr / einer blinden vnd vnbeständigen
Göttin / vertrauen vnd ergeben / sintemal
sie so thörlich vnd vnweise ist / daß sie die
würdigen nicht achtet / vnd den vnwürdi-
gen reichthümer gibet / welche zwar auch
keinen bestandt haben / denn wie sie diesel-
ben gibet / so nimbt sie sie auch wider. Dies-
ser Göttin folget ein grosser hauffe vn-
uerstendiges Volcks nach / vnd sie stehet
nimmer still noch fest / stewart sich auff ei-
nen stets wanckenden grund / fladert weidt
vnd breit vmbher / also das sie auch zu zeis-
ten

ten oberkopff stürke / auch offte in die tieffe
des Meers falle / da den die jenigen / die ihr
nachgefolget seind / alle vntergehn / sie aber
kompt ohne allen schaden dauon / vnd ver-
lacht ihre nachfolger / welche vmbsonst
klagen / vnd ihr die schuld geben. Dis sind
also des glücks werck vnd eigenschafft.

Aber dagegen sich an den Mercuri-
um / welcher ein Vatter ist der wolredens-
heit vnd ein anfenger vnd geber aller kün-
ste / wie ihn die Maler vnd Bildtschnitzer /
vil anders denn die Göttin des glücks ge-
zieret haben. Denn sie formieren ihn als
einen schönen jungen Gesellen / an dem
nichts geschmuckts oder zugethaner zier
zusehen ist / sondern in welches gestalt von
stund an herfürleuchten die tugenden des
gemüts. Denn er ist von frölichem ange-
sicht / vnd scharffen augen / vnd siset auff
einem viereckichten grund / denn auff sol-
chem fundament kan ein ding fest vnd vn-
beweglich stehen vnd fussen. Ja man ma-
let auch zuweilen den Gott selbs mit sol-
cher figur. Die aber diesem Gott nachfol-
gen als geferten / werden auch gemalet

B iij gleich

gleich wie ihr führer der Gott selbs frölich
vnd schöne / vnd sie klagen niemals wegen
ihres führers / wie die jenigen / so der Göttin
des glücks nachfolgen / als oben gesagt
zuthun pflegen / seind auch nimmer von
ihme abgesondert oder zerteilet / sondern
folgen ihm stets / vnd geniessen allzeit sei-
ner fürsichtigkeit. Aber des glücks hauffe
sind faul vnd ungelehrt / vnd werden auff
mancherley hoffnung gefüret / vnd folgen
die Göttin des glücks / ob wol mit gemei-
nem doch nicht mit vngleichē lauff nach.
Denn etliche vnter ihnen sind weiter von
ihrer Göttin / etliche neher / etliche han-
gen gleich von ihrer hand / als ist ge-
wesen Cræsus ein König in Lydia / vnd
Polycrates ein König in Samo / vber
welche du dich villicht verwunderst /
wenn du siehest / das dem einen der fluß
Pactolus mit golt fleußt / dem andern die
fisch in dem Meer dienen. Derglei-
chen leute sindt auch gewesen Cyrus /
Priamus vnd Dionysius. Aber die-
ser aller glückseliger zustand ist so unbes-
tendig gewesen / das man nicht lange
darnach

darnach gesehen hat den Polycratem ans
Creuze geschlagen / den Cresum vom
Cyro gefangen / den Cyrum anderer
leute gewalt vnterworffen / den Prias
mum aber vnd Dionysium beyde zu
Corintho auffgehalten. Wenn du aber
die andern ansiehst / die den lauff der Göt
tin zwar nachfolgen / aber doch nicht er
langen / so wirstu ihn sehr feind werden.
Denn dieselbigen sindt gemeiniglich ent
weder auffrührer / vnzüchtige Weiber
vnd Menner / oder die da feindschafft
anrichten / auch Todschleger / Diebe /
auch welche / die gräber berauben. Man
findet auch darunter solche gottlose Bu
ben / das sie der Götter selbs nicht ver
schonen / sondern berauben die Kirchen.
Dargegen aber sindt vnter dem hauf
fen des Mercurij eitel erbare züchtige
vnd Gelehrte Leute / nicht vmbher
lauffende / nicht schreyende / die auch
nicht voneinander zertheilet sind. Sons
dern vnter welchen der Gott Mercu
rius mitten sitzt / sie aber sindt ordent
lich alle herumb gesezet / Also das

B iij keiner

Keiner seine stelle von dem Mercurio ihm
zugeeignet vorlasse / doch mit dem vnter-
scheidt / das welche dem Gotte zunechst
herumb sitzen / das sindt Geometrae,
Arithmetici, Astronomi, Philosophi,
Medici, Grammatici. Die darnach sit-
zen / die machen den andern kreiß / darinn
man find die Maler / die Bildegießer / die
Bildthawer / die Bawmeister / vnd die den
ersten anfang der freyen künste in den
Schulen lehren. Nach diesem folget die
dritte stelle / darinne alle andere künstler
gefunden werden. Also ist einem jeglichen
sein eigner ort gegeben / vnd sehen doch alle
auff ihren Gott / vnd seindt ihm vnter-
than. Darüber aber sind noch etliche
personen nahe bey dem Mercurio / welchen
er eine sonderliche außersene stelle gege-
ben hat / vnd hat sie ihm an die seiten ge-
setzt / das sie nimmer von ihm sollen abge-
scheidet werden / vnd dazu hat er solche leu-
te genommen / welche einen sonderm ab-
schew haben von dem hauffen / welcher der
Göttin des glücks nachfolget. Denn dies-
ser Gott Mercurius / helt nicht für die tref-
flichsten

lichsten leute / welche etwan ein stadelich
ampf haben vorwaltet / oder die von Ed-
lem stam sind / oder die reich sind / sondern
wer ein from leben füret / vnd der ander
mit seiner kunst vnd geschickligkeit vber-
triffet / vnd dieselbige recht vnd fleissig
brauchet / vnd Gottes gebot folget / Diesen
helt er hoch / den zeucht er andern für / den
lest er nimmer von ihm abweichen. Der-
halben wenn du die namen wissest der
Männer / welche diese obgenante bey dem
Mercurio nechste stelle innen haben / so
würdest du sie nicht allein würdig achten /
ihnen nachzufolgen / sonder wirst sie auch
hochlieben vnd ehren. Allhier wirstu sehen
Socratem / wirst sehen Platonem / Home-
rum / Hippocratem / vnd andere / welche
diesen Männern nachfolgen / welche alle
Gott ihm zu dienern hat auserlesen / vnd
hat gewolt / das sie die nechsten bey ihm /
vnd gleich andere Mercurij sein sollen.
Aber doch die in den andern stellen sitzen /
ist keiner nicht für den Gott nicht auch
sorgete vnd ihn schützte. Denn erorget
nicht allein für die / welche er nahe für sich

B v

sihet / sondern er ist auch bey denen die da
Schiffen / welchen er sich auff der Schiff-
fahrt zum gesellen gibt / damit wenn sie ja
einen Schiffbruch erlitten / er ihnen könd-
te außhelffen.

Denn der Aristippus / als er auff ein
zeit so vnglücklich geschickt hatte / das das
Schiff durch grosse vngestümmigkeit
vntergegangen / vnd das wasser ihn an
das vfer bey der Stadt Syracus hette
außgeworffen / so hat er ihm doch bald ein
herz gefasset / als er betracht / das er an-
kommen were / zu den Griechen / als zu
weisen leuten / vnd nicht zu andern groben
Völckern / vrsach / denn er hatte ein Geo-
metrische figur aldar an den sandt ge-
schrieben gesehen / darnach als er nein ge-
gen Syracus gieng / vnd in die Schule
kam / darinnen er auff Griechische sprach
also redet.

Wer wird dem armen Oedipo /
Mit einem geschenck zuhülffe kommen.
Quis vagum atq; errantem Oedipum
Hodie raris excipere muneribus.

iet

Da seind ihm als bald etliche die ihn
fennes

kenneten entgegen kommen / ihn entpfan-
gen / vnd diesen tapffern / aber dazumal ar-
men Mann nach notturfft versehen. Als
aber etliche von den Syracusern nach
Cyreen / welchs des Aristippi Vaterland
war / Schifften wolten / vnd derwegen ihn
fragten / ob er was den seinen wolte lassen
entbietten / da hat er gesagt. Befehlet ihnen
das sie sich mit solcher ware versorgen /
welche mit ihrem Herren in einem Schiff
bruch können auß schwimmen.

Præcipite meis inquit, vt eas res
sibi curent parandas, quæ cum posses-
sore in naufragio enatent.

Aber wie viel sind man solche elende
leute / denen es anders gehet / als hier der
Aristippus lehret / nemlich die alle jr thun
nur auff reichthümer richten / wenn sie
einmal inn dergleichen fall vnd vnglück
kommen / müssen sie neben ihrem Golt
vnd Silber auch ihr Leib vnd leben
(weil sie nichts gelernet haben / vnd
sich auff keine kunst begeben) vorlie-
ren.

Solche

Solche leute bedencken nicht / daß sie
vnter den vnuornünfftigen Thieren / die
jenigen am liebsten haben / die irgendet eine
kunst oder geschicklichkeit an sich haben/
denn die Pferde so zum kriege fertig vnd
geschickt sind / vnd die hunde welche zu der
jaget abgerichtet / die ziehen sie andern
pferden vnd hunden für. Sie lassen auch
ihre knechte in künsten vnterweisen / vnd
wagen vil gelt darauff / sich selber aber ver-
seumen sie / vnd halten sich in keiner würde.
Derhalben / ist es nicht ein schande / da man
einen knecht vmb zehen tausent denarios
schazet / das der Herr nicht eines denarij
werdt sey? aber was sage ich von einem de-
nario / ja wenn er gleich ganz vmb sonst
wolte dienen / würde er doch niemandt fin-
den / der ihn anneme. Derhalben ist vnter
allem / was sie besitzen vnd haben / nichts
vnedlers als sie selbs / denn dieweil sie sich
selbs in keiner kunst oder geschicklichkeit
vnterweisen lassen / aber ihre vnuernünff-
tige thiere / als pferde vnd hunde / lassen sie
zu gewissen geschicklichkeiten gewehnen /
halten auch nichts von einem knechte / der
nichts

nichts kan / ja sie verseumen auch nicht ire
furwerge vnd all ander thun / sondern se-
hen zu / das es alles zum besten versorget
vnd geartet sey / so viel möglich vnd von-
nöten / sie selber aber betrachten nicht ihre
eigene seele vnd verstandt / vnd achten sich
alleine gar nichts vnd für geringe / in dem
sie nichts lernen.

Derhalben kan man billich solchen
leuten diß fürwerffen / O du gutter Man
dein hauß stehet wol / vnd alle deine knech-
te / pferde vnd hunde / vnd furwerge / vnd
alles was du hast ist wol versorget / allein
deiner selber wird nicht geachtet.

O bone vir, domus tua bene se ha-
bet, & serui omnes & equi & canes &
prædia, denique quicquid possides ijs
bene est, tui vero ipsius nulla cura ha-
betur.

Also haben auch recht gesagt Demos-
sthenes vnd Diogenes / welcher einer die
reichen vñ doch vngelernten leute nennet /
Schaffe bekleidet mit güldener wolle.

OVES AVREO VELLE-
RE OPERTAS. Der ander vor-
gleichet

gleichet solche leute einem Feigenbaum/
der da niderwarts auff einem vast gäch
stößigen ort stehet. Fico in præcipitio
nata. Denn gleich wie dieses Bawms
frucht nicht die Menschen / sondern die
Kaben vnd Tolen bekommen / also ges
niessen solcher Reicher leute güter nicht
die frommen Bürger / sondern werden
von den Heuchlern vnd Schmarukern
vorprasset / die doch darnach / wenn des
Reichen gut alles hindurch ist / wenn sie
ihm ohnegefehr begegnen / stellen sie sich/
als kenneten sie ihn nicht / vnd bieten ihm
nicht einen guten tag. Daher sage
jener recht / der da spricht / Solche reiche
leute sein gleich wie ein Bronn / welcher
nach dem er nicht mehr wasser hat / so
kommen die jenigen / so zuuorn darauß
getruncken haben / vnd schlagen ihr wasser
darein abe.

Derhalben ist gewiß / wer nicht
durch andere wege / sondern allein durch
Reichthumb ansehnlich wirdt / das so
balde er von dem Reichthumb kompt / so
verleuret er auch alles ander thun / das er
wegen

wegen geldes vnd guts / als gunst vnd freundschaft erlanget hatte. Denn wie solte es nicht also zugehen / dieweil er kein eigen gut (als die Künste sein) besizet / sondern hat nur frembde vnd von dem glück gegebene güter / welcher er sich hoch rühmet.

Eben solchen ruhm haben auch andere / nemlich / die sich ihres städlichen herkommens vnd Geschlechts rhümen / welche wenn sie was eigens hetten / des sie sich rühmen könten / als eigene löbliche vnd Ritterliche thaten / künste vnd geschicklichkeiten / so würden sie sich nicht allein von wegen ihres geschlechts so hoch herfürbrechen / welchs sie nicht von sich selbst / sondern von andern / nemlich / von den Eltern haben.

Vnd sie vorstehen auch nicht / das es einem herrlichen geschlechte vnd wapffen eben widerfare / als gewisser Stette münze / welche ob sie wol in denselben Stetten ganghafftig ist vnd gerne gilt / so ist sie doch bey andern völkern oft verboten vnd wird nicht geacht / Darumb ist nicht vbel gesagt /

Dein

Dein geschlecht das hat dich nicht geehrt/
Auch hat mich meines nicht ernert.

Necq̄ te in sublimē generis extulit de-
cus,

Necq̄ me dum nil habui, aluit genus.

Derhalben wie Plato sagt / seindt wol
die tugenden der Voreltern einem ein
grosser schatz / aber vil mehr vnd rühmli-
cher ist / wenn man sich mit dem Sche-
ne also kan rühmen.

Mein eigen tugenden vnd mut /

Die vorsehen weit vbertreffen thut /

Maiores superat virtutis gloria no-
stra,

Denn wenn das geschlecht irgend einen
nutz bringt / so ist es dazu gut / das man be-
wogen wird / der tugent exempel / dardurch
die vorsehen haben einen namen bekomē /
nachzufolgen / Denn wenn wir es ihnen
nicht nachtheten / so möchte es ihnen (so
fern die verstorbenen nach etwas fühlen)
wehe thun / vnd würde auch vns selbes eine
grosse schande sein / welche desto grösser ist /
je ansehnlicher vnd grösser das geschlecht
ist. Denn wer von vnbeantenn vnd von
gerin

geringem herkommen ist / der hat den nutz
dauon / das was er vor mangel oder vntu-
gendt hat / nicht vil leut darumb wissen.
Die aber so beruffen sind / wegen ihres ges-
schlechts / das auch ihre vntugent oder ges-
brechen / nicht mögen verborgen bleiben /
Lieber was haben sie für nutz aus ihrem
tapffern geschlecht ? denn nur allein wenn
es ihnen vbel geht / so weis es bald alle welt /
vnd wenn sie etwas thun / das ihrem ges-
schlecht nicht geziemet noch woll anstehet /
sie desto hefftiger vnd billicher angeklagt
vnd geschulten werden. Derwegen wer
sein groß vnd herrlich geschlecht rühmet /
so er grob / vngeleret vnd vngeschickt ist /
gibt er zuuerstehen / daß ihm solch sein ges-
brechen desto weniger sey für gut zuhal-
ten. Denn auff die leute / so eines berümb-
ten geschlechts seindt / gibt man billich
mehr auffachtung / denn auff andere / wel-
chen wir verschonen / wenn sie nur zimli-
che tugenden haben / ja wir loben sie noch /
vnd schreiben es ihrem geringen herkom-
men zu / was an den tugenden / daß sie nicht
volkommen seindt / mangelt. Jene aber /
E wenn

wenn sie mit solch lob erlanget habē/welchs
der vorfaren tugend werd sey / ob sie schon
anderleut vbertreffen/so pflegē wir sie doch
nicht zuuermundern oder hoch zuachten.

Auß welchem allem können wir ver-
stehen / es sey denn das einer gar ein Thor
were / das man sich auff Freye künste begeben
sol / vnd dieselbigen treiben / denn daraus
aus wird folgen / auff das wer da Edel ist/
er solches geschlechts würdig geacht wer-
de / wer da aber vnedel ist / das er sein ges-
chlecht berümbt mache / vnd folge dem al-
ten Themistocli nach/welcher als ihm zur
zeit sein geschlecht ward fürgeworffen/
sagt er. Ich mache meinen nachkommen ei-
nen namē/vñ mein geschlecht hat von mir
seinē anfang:deines aber endet sich an dir.

li. viii Ego inquit posteris meis lucem
excito, & meritu ex me genus ortum
habet: tuum vero in te desinit. Es ist
auch der Anacharsis ein Schyta befand/
wie er so sehr verwundert wird bey allen/
das er auch der weise genennet wird / ob er
schon ein Barbarus / das ist / von grober
Landart war / welcher auch ein mal / als er
hörete

hörete / das man ihm sein Barbariem vnd
grobes Vaterlandt fürwarff / also saget /
Mein Vaterland ist mir ein schande / du
aber bist ein schande vnd vnehre deinem
Vaterland.

Patria mihi dedecori est, tu uero patria.

Auff das er mit diesen Worten sein höff-
lich reprehendiret vnd begegnet einem sol-
chen menschen / welcher ob er gleich keines
lobes würdig war / rühmet er sich doch hoch
allein wegen seines berühmte vaterlands.

Derhalben so du die sachen recht ansis-
hest / würdestu sehen / das nicht der stedte an-
sehen vnd gewalt / die Bürger ehrlich vnd
tapffer gemacht haben / sondern das gegen
spiel / nemlich das die tugenden der Bürger
vnd ire fürtreffligkeit in freyen künsten den
stedten haben einen namen vnd lob berei-
tet. Den wer würde die Stat Stagyram
preisen weñ sie nit hette von dem Aristotele
ein ansehen bekommen. Wer würde die stadt
Soloen hochachten / weñ nit daraus Aras-
tus vnd Chrysippus komen vnd geboren
were. Woher ist Athen so weit vñ breit be-
rühmt? nit wege der fruchtbarkeit der erde /

E ij denn

denn die ist sehr gering / sondern wegen der
Tugend vnd lob derer fürtrefflichen vnd
Gelehrten Männer / die alldar geboren
sind / welche also ihre ehre dem Vaterland
haben mitgetheilt. Daß aber diß ohne al-
len zweiffel war sey / wirstu erkennen / so du
gedenckest Cleonis vnd Hyperboli / welche
einen solchen nutz auß der beschrienheit der
stadt Athen bekommen haben / wie ihn die
vntugend damit sie jederman bekand wer-
de erfordert. Das Boeotische Volck ist
vorzeiten genennet worden / grobe vnd
faule sewe / sagt Pindarus.

Dicta sues fuit olim gens Boeotia
vecors, vnd eben der author sagt wider /
Laß vns nicht in dem singen eine Boeoti-
sche saw machen.

Si Boeoticum edamus suem.

Also sagt er / als er des vngelehrten vnd
grogen Volcks bösen namen fürklich mit
seinem verß wolte anzeigen vnd absolu-
ren.

Derhalben der den Atheniensibus
ihre Geseß hat gegeben / ist billich zuloben /
daß er mit einem gewissen Geseße verbots-
ten hat /

ten hat/das niemand einen solchen Vater
ernehren solt / der seinen Son in guten
künsten nicht hette lassen vnterweisen.

Denn da man gute künste lernen sol/
zu der zeit / wenn der leib am schönsten ist/
so widerferet den meisten / auff das wenn
sie verstehen / daß sie von fürtrefflicher
schönheit vñnd gestalt sein / sie gar nichts
für die seele vñnd verstandt sorgen/ darnach
aber / wenn es sie gerewet / klagen sie ver-
gebens/ vñnd sagen: Ach das die schönheit
meines leibes/ die mich verderbet hat / wie
derumb verderben müsse.

Vtinam forma quæ me perdidit,
male pereat.

Vñnd solche leute erinnern sich auch
als denn/des Spruchs Solonis/ damit er
befihlet / das man auff nichts mehr vñnd
fleissiger acht geben sol / als auff das ende
des lebens.

Nihil magis esse spectandum, quam
vitæ finem.

Vñnd sie klagen das alter an/ da sie vil
mehr ihnen selber solten die schuldt geben.
Aber des Euripidis lehr loben sie als denn/

E iij der da

der da sagt. Es stehe einem vnntessigen
Manne zu / eine schönheit vber die gemei-
ne art zubegeren.

Darumb sol man dafür halten / das es
besser sey / das die jungen Gesellen betrach-
ten / wie ihre schönheit den Blumen des
Glenkes gleich sey / vnd hab nicht langwe-
rende freude an sich / vnd derwegen sey
auch die Lesbica zuloben / da sie sagt. Ein
schöner Mensch ist so fern schön / als er ge-
sehen kan werden. Ein frommer aber ist
von stundan auch ganz vnd gar schön.

Formosus tantus est quantus in-
cernendi sensum cadit. Probus vero
idem protinus & formosus est.

Vnd es sey dem Soloni zu folgen /
welcher auch dieser meinung ist.

Wider das alter aber / welchs beques-
mere kleider vnd wonung bedarff / vnd
tausendierley ander vorrath sol sich ein je-
der schicken / als gegen einem vorhandenen
vngewitter / gleich wie ein guter Schiffs-
man / der da zuuor bedencket / die zukünfft-
tige vngestümigkeit / vnd macht sich lang
zuuorn gefast / damit er dieselbe außstehen
könne /

Könne / denn das ist ein elende ding / davon
Homerus sagt: Wenn ein ding schon ge-
schehen ist / so bedenckts ein vnweiser Man
erstlich.

Rem excors intelligit actam.

Derhalben worzu ist ein schöner / aber
doch grober / vnd vngelerter junger Gesell
nüze? villeicht dienet er in krieg? ich halte
aber dafür / das man ihm viel billicher / die
versch des iugenentē Poetē kan vorwerffen.

Dahem auff weichen betten schlaff /
Vnd sorg nur für deins hauses sacht.

*At tibi connubij tractentur mollia facta
Ito domum, rerumq; tibi sit cura tuarum.*

Desgleichen sagt von dem Nireo eben
der Poet also. Für Troiam zog auch mit
einer der war sehr schön / aber er war wei-
bisch vnd vnbeherzt.

*Ad Troiam venit forma præstantis
or vnus, verum mollis erat.*

Derhalben gedenckt der Poet als er
erzehlet die Schiff der Griechen die für
Troia komen sind / desselben nur einmal /
damit er anzeigte / wie ich dafür halte / das

E iiii die

die schönheit zu nichts nütze sey / so nicht
andere gaben / die dem menschlichen leben
dienstlich vnd nötig / dabey sein.

Es ist auch für nichts zu achten / das
etliche elende leute dörrffen sagen / die reichs
thümer seind der schönheit fruchte. Denn
der gewin / der einem ehrlichen Menschen
gebüret / vnd der lobes werd ist / vnd einen
bestandt hat / der wird auß guten künsten
vnd geschickligkeit erlanget. Den aber ein
schön Mensch durch seinen leib erlanget /
der ist schendlich vnd für vnerbar zu hal
ten.

Derwegen o ihr jungen gesellen / ich
vormanne euch / gehorchet der alten lehre /
nemlich / Besehet euch zuweilens in dem
spiegel / auff das so einer vnter euch / ent
weder sich für schöne achte / er sich beflisse /
das er auch / was seine seel / sinn vnd ver
stand anlanger / nicht wenigens lobs werde
sey / vnd halte es für ein schande / das so ein
schöner leib einer vnuerstendigen / vnd vn
gelehrten seele vnd gemüts herberge sein
solle. So er aber sehe / das er eine grewliche
person sey / er sich desto fleißiger bemühet
das

Das seine seele vnd gemüt desto schöner vnd
verstendiger sey / damit er sich auch der
verk des Homeri rühmen möge /

Es ist wol einer der nicht schön /

Doch ist derselb beredt dafür.

Welchs reden sieht ein jeder zu /

Weil er vil vbertreffen thu.

Er geht ganz freyding auff der stroß /

Wer ihn sieht / meint es sey ein Gott.

Est alius cui parua quidem sit gratia formæ,

Sed tenuem formam uerbis Deus ornat, & illum

Cernere dicentem cunctos iuuat, ora pudore

Suffusum placido: hic reliquos super eminent omnes:

Hic urbe incedit gaudens. Sibi quisq; uidetur

Inspexisse Deum, dum lumina figit in illum.

Aus solchem allem kan keiner nicht

zweifeln / denn der gar ohne sinnen were /

das man weder von wegen reichthümer /

noch von wegen eines herrlichen ges

schlechts / noch wegen schönheit des leibes /

die künste nicht verachten sol.

So vil gesagt haben / were zwar ges

nung : aber velleicht ist es nicht vnbequem

allhier nach der Oration zum beschluß /

etwas von dem Diogene melden.

Dieser als er bey einem zu gast war /

E v der

aber
der alle sein ander thun / fleißig vnd wol
versorget / sich selber auch gar nicht bes
dachte / als er wolte außspizen / hat er sich
vberall vmbgesehen / wo er hin spizen solt /
vnd hats endlich fürs beste angesehen / weñ
er des andern thuns schonete / vnd bespize
te den Herren selber. Welcher als er zorn
ig war / vnd den Diogenem fragt / wa
rumb er solchs thete / hat er geantwortet /
Denn mich deuchte es werde nichts weni
ger geacht in dem ganken hause / denn du.
Sintemal ich sehe das alle wende mit den
herrlichsten gemelden gezieret sindt / die
boden sind so künstlich eingelegt vnd ge
macht / als were es alles natürlich so ge
wachsen / alles gefes ist rein vnd gleißende /
des bettes stützen vnd seulen seind auff
s künstlichste zugericht. Dich aber der du di
ser dinge alle ein Herr bist / sehe ich durch
aus ganz vnd gar vngeacht vnd verseu
met. Es pflegen aber die leute die örter / die
am geringsten vnd verechlichsten sein zu
erwehlen / daran sie außspizen.

Derwegen o ihr jungen Gesellen / halt
tet euch ja nicht so / das euch jemand möch
te auß

te außspitzen / ja wenn ihr gleich mit al-
lem andern / als mit reichthümern / stadt-
lichem geschlecht vnd schönheit des leibes
begabet seydt / wiewol es selten kompt/
das diese drey ding zugleich in einem bes-
funden werden / vnd wenn sichs gleich zus-
trüge / so ist es doch schendtlich / das demsel-
ben allem verschonet / vnd ihr allein ange-
spizet sollet werden.

Derhalben seydt wacker / die ihr mir
jetzt zugehöret habet / vnd auch geneigt
seyd zu den künsten. Sehet euch aber für
das nicht irgendt ein betrieger also ewer
herz verblende / das ihr euch lasset auff
böse oder vnnötige vnd vergebliche künste
führen. Vnd wisset das aller fleiß / welcher
nicht dem Menschlichen leben nutz vnd
dienstlich ist / mit nichte mag ein kunst ge-
nennet werden.

Diueil aber die rechten guten künste
zweyerley sein / etliche sindt edle künste/
welche durch den verstandt geübet wer-
den / die man nennet die Freyen künste/
etliche seind vnedel / dazu man des leibes ar-
beit gebrauchet / die man nennet hand-
werck

wercks künste / so sollet ihr dafür achten /
das es am besten sey / das ihr eine aus den
edlen freyen künsten lernet / den die andern
pflegen ihren Meister in dem alter zuver-
lassen. Vnter den freyen künsten aber sind
die Medicina, Rhetorica, Musica,
Geometria, Arithmetica, Computan-
di scientia, Astronomia, Grammatica,
Legumq; peritia. Zu welchen man
kan auch zusehen / die kunst der Bilder zu
giessen / vnd Maler kunst. Denn ob wol die
beyde mit der hand geübet werden / so be-
darff doch keine grosse stärke des leibes dar-
zu. Derhalben ihr jungen Gesellen / sollet
ihr eine aus diesem geschlecht der künste
erwehlen vnd üben / (es sey denn das einer
gar einen vngeschickten kopff dazu hette)
vnd sonderlich die kunst der arznei welche
meinem bedüncken nach / in diesem ges-
chlecht / vnter andern die würdigste vnd
fürnehmste ist / welchs wir auff ein
andermal wollen anzeigen.

F I N I S.

Bedruckt zu
Erffurdt / durch Geor-
gium Baroman.

Im Jar M. D. LXXII.

Geleit

Die geleit der ...

... die geleit der ...

... die geleit der ...

... die geleit der ...

... die geleit der ...

... die geleit der ...

... die geleit der ...




[Faint, illegible handwritten text in a cursive script, likely a historical document or manuscript.]



[Faint, illegible handwritten text, likely bleed-through from the reverse side of the page.]





AB: 153927


ULB Halle


3

002 160 196



sb





Eine Schöne

ORATION vñ Ver-
manung/ Freye Künste vnd
Tugende zu lernen.



Vorzeiten von einem Heid-
nischen Philosopho / in Griechi-
scher Sprache geschrieben / Nun aber
nach dieser zeit notturfft vnd ges-
legenheit / vertirt vnd
verdeutschet.



1572.
Mense Nouembri.

